



Број: 05/8-50-14-465-1/15

Сарајево, 24. 7. 2015.

ZAPISNIK

sa Konstituirajuće sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 7. 4. 2014., od 16,00 do 16,15 sati

Konstituirajuću sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije sazvali su predsjedavajući Predstavničkog doma Parlamentarne skupštine Bosne i Hercegovine (PSBiH) Šefik Džaferović i predsjedavajući Doma naroda PSBiH Bariša Čolak.

Sjednici su prisustvovali sljedeći članovi Komisije: Aleksandra Pandurević, Bariša Čolak, Halid Genjac, Darko Babalj, Borjana Krišto i Milenko Obad.

Odsustvo sa sjednice opravdala je Hanka Vajzović.

Pored članova Komisije, sjednici su u ime Sekretarijata PSBiH prisustvovali i sekretar Predstavničkog doma PSBiH Dragoljub Reljić, sekretar Doma naroda PSBiH Marin Vukoja, te sekretar Komisije za izbor i praćenje rada Agencije za prevenciju korupcije i koordinaciju borbe protiv korupcije Jovica Katić.

U formi privremenog predsjedavajućeg, Konstituirajućom sjednicom predsjedavao je predsjedavajući Predstavničkog doma PSBiH Šefik Džaferović, koji je prisutne članove Komisije upoznao sa predloženim dnevnim redom.

Kako nije vođena rasprava o prijedlogu dnevnog reda, konstatirano je da Konstituirajuća sjednica Komisije za izbor i praćenje rada Agencije za prevenciju korupcije i koordinaciju borbe protiv korupcije ima sljedeći

DNEVNI RED

1. Izbor predsjedavajućeg, te prvog i drugog zamjenika predsjedavajućeg Komisije za izbor i praćenje rada Agencije za prevenciju korupcije i koordinaciju borbe protiv korupcije

Ad.1. Izbor predsjedavajućeg, te prvog i drugog zamjenika predsjedavajućeg Komisije za izbor i praćenje rada Agencije za prevenciju korupcije i koordinaciju borbe protiv korupcije

Šefik Džaferović, privremeni predsjedavajući Komisije, upoznao je prisutne članove sa Odlukom o imenovanju Komisije za izbor i praćenje rada Agencije za prevenciju korupcije i koordinaciju borbe protiv korupcije, koja je donesena na 9. sjednici Predstavničkog doma, održanoj 25. marta 2015, i na 3. sjednici Doma naroda PSBiH, održanoj 30. marta 2015. godine, a kojom su u Komisiju na period od četiri godine imenovani:

- *Iz Predstavničkog doma PSBiH* poslanici:

1. Hanka Vajzović,
2. Aleksandra Pandurević i
3. Borjana Krišto, te

- *Iz Doma naroda PSBiH* delegati:

1. Darko Babalj,
2. Halid Genjac i
3. Bariša Čolak.

Privremeni predsjedavajući naveo je da je sjednici, u svojstvu člana Komisije ispred akademske zajednice, prisutan i Milenko Obad, te da će preostala dva člana Komisije biti imenovana nakon što Privremena zajednička komisija oba doma PSBiH okonča proceduru za imenovanje jednog predstavnika akademske zajednice i jednog predstavnika nevladinog sektora u ovu Komisiju.

Zatim je pozvao prisutne članove da predlože kandidate za predsjedavajućeg Komisije, njegovog prvog i drugog zamjenika, uz prijedlog da u rukovodstvo Komisije budu zastupljeni predstavnici oba Doma PSBiH, kao članovi Komisije koji dolaze van PSBiH.

S tim u vezi, član Komisije Darko Babalj za predsjedavajuću Komisije za izbor i praćenje rada Agencije za prevenciju korupcije i koordinaciju borbe protiv korupcije predložio je članicu Komisije iz Predstavničkog doma PSBiH Aleksandru Pandurević.

U skladu sa gore navedenim, privremeni predsjedavajući za prvog zamjenika predsjedavajućeg predložio je člana Komisije iz Doma naroda PSBiH Barišu Čolaka, te

sugerisao da drugi zamjenik predsjedavajućeg Komisije bude izabran naknadno, nakon što Privremena zajednička komisija oba doma PSBiH okonča proceduru za imenovanje jednog predstavnika akademske zajednice i jednog predstavnika nevladinog sektora u ovu Komisiju.

Članovi Komisije su jednoglasno, sa šest glasova „za“, usvojili predložene kandidate, čime je konstatovano da će u predstojećem sazivu PSBiH Komisijom za izbor i praćenje rada Agencije za prevenciju korupcije i koordinaciju borbe protiv korupcije predsjedavati Aleksandra Pandurević, te da će njen prvi zamjenik biti Bariša Čolak, dok će drugog zamjenika Komisija izabrati nakon što bude okončana procedura za imenovanje jednog predstavnika akademske zajednice i jednog predstavnika nevladinog sektora u ovu Komisiju.

Sjednica je okončana u 16:15 sati.

Sekretar Komisije
Jovica Katić

Predsjedavajuća Komisije
Aleksandra Pandurević

Dostavljeno:

- naslovu
- a/a